

涇陵縣立圖書館 惠存

李方燦敬贈

寶綸堂詩稿

寶綸堂詩稿

光緒壬辰
仲夏校刊

寶綸堂詩稿叙

人或曠世而相感或同時而不相識蓋亦有因緣存乎其中焉吟史李君梁山人以高才生調任尊經書院屢受知於督學使者文名噪蜀東余赴春官試數過君里而未見也歲庚寅余主桂香講席君弟龍門茂才從余遊輯君詩若干首校正付梓而問叙於余披閱一過見其直抒性靈吐棄凡近風格與香山放翁相似信爲必傳之作溯其生平遊長安登劍閣入燕京與海內士大夫訂縞紵之交故其詩歌得江山

之助友朋之益居多夫以君少負不羈才早承庭誥
學識淹通固宜登玉堂依禁近和其聲以鳴國
家之盛而乃隨宦秦中三試京兆不第夙昔抱負曾
不能展施於萬一歸里後雖冠童軍飫米廩而秋風
鏃羽薦鶻空膺年未強仕賫志以歿豈文章果憎命
耶抑詩人少達之說信然耶古今來名士數奇文人
不偶若李長吉王子安輩類皆不享修齡而文采風
流表見於世君雖不得中壽而過高梁者輒耳君詞
賦名今又得賢昆季搜輯遺藁以永其傳固有身盡

而名不與之俱盡者因嘆與君同時而不相見幸天
假之緣俾叙君詩厠名簡端竟如曠世相感君九京
可作當亦含笑而樂賞音之不孤也是爲叙

光緒十八年壬辰蒲節前一日塾江宗弟炳靈我愚
氏拜撰

先大夫與先伯介眉外翰雅好吟咏先兄吟史茂才
髫齡侍側曰承庭訓即諳作法洎侍宦關中與陳春
亭太史鄭筱吟孝廉黃鼎三部郎詩文切劘豪吟日
增幾無時無事不記以詩名因藉甚惟文章憎命兩
試京兆三赴秋闈俱不售故所題咏率多抑鬱憤懣
之詞曩時盟友屢索付梓兄以瓦奏匏宣無當大雅
辭今兄逝已十餘年篋衍手稿累數百紙時一披吟
舊訓儼存因與家金策兄檢輯遺稿得古近體詩四
卷付之剞劂非敢問世念兄半生溺苦惟此心血猶

存付之泯滅竊所不忍且數十年蹤跡所到雲物山川人事離合靡不具見於詩裒集成帙亦聊誌善成先訓之梗概至所遺稿尙有寶綸堂文賦稿待芳閣試帖粲花筆談尺牘增華各種均編次未成統俟校定再刊以希就正云光緒壬辰仲夏胞弟鴻儀謹識於望喬步棠之軒



寶綸堂詩稿

卷一

梁山李鴻鈞吟史著

堂弟鴻藻金策選

胞弟鴻儀龍門校

褒城八景

棧道連雲

暗度陳倉去伊誰善用兵千尋螺髻秀一路馬蹄輕
怪石張牙立奇峰對面迎郵亭迢遞處直接漢王城
廉泉讓水

宋室君臣語流傳直到今淘殘清濁浪洗盡是非心

綠擁三篙淺青浮百尺深嘉名難泯滅留取作官箴

雞頭關隘

萬仞聳崔嵬雲根下界栽水原歌汚彼峯合號飛來
李耳垂鞭度王尊叱馭回西秦無鎖鑰天命五丁開
天生石盆

鬼斧劈玲瓏奇哉造化功苔凝褒谷雪草偃石門風
點綴溪山際包藏澗壑中一卷應下拜誰是米南宮
龍江晚渡

歸路指迢遙城隅捲暮潮一船明月載雙櫓好風搖

曠野山爲壁危梁木作橋榜人歌未罷誰立柳陰招

石門滾雪

大壑似無涯中流兩扇排蛟龍潛駭浪猿猱嘯陰崖
水合疏神禹天應補女媧此間人跡少休着謝公鞋

連山映翠

佳絕名山景嵐光帶雨微望中喬木臥天際快禽飛
野火紅千嶂村花碧四圍淒涼餘廢寺可有老僧歸

魚洞留春

畢竟嘉魚少虛名是孰傳三父江畔路一片水中天

柳岸誰投餌桃源好放船何時遊興動洗耳聽飛泉

次薛覲唐侍郎過韓侯嶺七絕原韻

空餘朽骨在峯頭孰把淮陰怨氣收劉氏河山韓氏
定功如此嶺至今留

牝雞何故亂司晨血染當年社稷臣歸漢爭如歸楚
好范增猶是善終人

破齊攻趙出奇兵垓下殊勲冠一生血戰多年因底
事到頭贏得叛夫名

數行青史細加評似豆燈光滅復明隆準不思開國

苦干戈滿地是誰平

附侍郎原韻

未葬全身只葬頭已將山岳大名收漢家寸土
今何在嶺是韓侯萬古留

進食王孫漂母仁何期呂后忌功臣可憐一代
無雙士生死關鍵在婦人

將將誰知勝將兵一朝名論出先生英雄成敗
皆關運何損千秋國士名

往事從頭閱史評總成疑案未分明堂堂廟貌

寶經堂詩和
外一
三
壘壘塚都爲先生抱不平

重陽與姚心淵拉鄭錦堂二尹鄆海珊少尉鄆
怡亭上舍向葆初幕府登七盤嶺流連竟日
而歸僉謂勝游難再不可無詩余勉從其請
漫擬三十絕呈諸同人使雪泥鴻爪不致轉
瞬之間化爲陳迹云

錄八

多時積悶苦難排乍見郊原暢雅懷
我道雲山如美女蓬頭垢面自然佳

一座雄關阻萬夫西秦舊號帝王都
天公便是丹青

祖粧點溪山作畫圖

振衣千仞喜吟哦俯視羣峰按轡過莫怪雲將山色掩寒雲多處好山多

梵王宮殿矗層霄壘瑰還憑濁酒澆明月在山人在

座舉杯相對不須邀

山腰有寺肖白石土地像所謂白石土地者蓋齊東譌語但當

付之一喙不必深考云

淡掃蛾眉粉黛勻金閨檢點過良辰如何遍插茱萸

候少箇憐香惜玉人

謂海珊廖姬

天光淡處水光濃百尺危梯碧蘚封併作秋聲來入

耳城邊碓杵寺邊鐘

楚漢雄師踞上游紅羊劫盡戰爭休山霧不管興亡

事葉自飄零水自流

相傳七盤嶺爲
劉項鏖兵處

酒到醺時日亦曛銀蹠蹠躑躑踏秋雲傳聲試把黃花
問我比卿容瘦幾分

讀王蘭泉先生所輯湖海詩傳竭數晝夜之力

觀其梗概遂成三十首

錄八

青蓮居士浣花翁盡入奚囊紀載中此老馬原求冀
北諸君豕莫獻遼東三吳選政滋流弊一代傳人秉